

BERITA HARIAN, RABU, 29 MAC, 1978

K'terian khusus untuk pengguna kini tidak perlu

KUALA LUMPUR, Selasa — Timbalan Perdana Menteri Dato Seri Dr. Mahathir Mohamad menjelaskan hari ini, sebuah kementerian yang khusus untuk mentadbirkan hal ehwal pengguna tidak perlu pada masa ini kerana Kementerian Perdagangan dan Perindustrian sudah mempunyai jentera pentadbiran yang cukup untuk mengendalikan perkara tersebut.

Kementerian-kementerian yang lain juga ada mempunyai jentera pentadbiran masing-masing untuk mengendalikan masalah tersebut, tambahan menjawab pertanyaan Dato Hajjah Fatimah Haji Abdul Majid (BN-Semerah) semasa soal jawab di Dewan Rakyat hari ini.

Dato Seri Dr. Mahathir yang juga Menteri Perdagangan dan Perindustrian telah menyebut beberapa langkah yang telah diambil oleh kementeriannya bagi menjaga hal ehwal pengguna:

- Menubuhkan Majlis Pelindung Pengguna-pengguna Kebangsaan untuk menasihati kerajaan dalam perkara-perkara yang berkait dengan polisi dan perlindungan pengguna.

- Menubuhkan Bahagian Hal Ehwal Pengguna dengan tujuan khusus untuk merancang perkembangan gerakan



■ DR. MAHATHIR

pengguna dan mentadbirkan semua perkara yang berkait dengan hal ehwal pengguna.

- Menguatkuasakan undang-undang berkait dengan harga dan bekalan barang-barang perlu serta lain-lain perkara yang berkait dengan perniagaan, melalui bahagian penguatkuasa yang mempunyai

cawangan-cawangan di setiap negeri di Malaysia.

- Menubuhkan sebuah jawatankuasa kajian semula harga bagi mengawal kenaikan harga barang-barang keluaran perusahaan bertaraf perintis.

Di samping itu, tambahan belia, kementerian juga telah mengambil langkah-langkah untuk memperkokohkan jentera yang sedia ada.

Katanya, mulai tahun 1978, Majlis Penasihat Pelindung Pengguna-pengguna Kebangsaan telah dibesarkan dengan melantik ahli yang mewakili berbagai pertubuhan yang mempunyai kaitan dengan pengguna.

Bagitu juga Bahagian Hal Ehwal Pengguna dan Bahagian Penguatkuasa akan ditambah kakitangan supaya usaha-usaha perlindungan dapat digiatkan lagi.